

# Te 'akaātea'anga i te sewage

## Ea'a te mea 'ēkōkō'ia?

I roto i teta'i manamanatā nātura, me kore ra, manamanatā tupu po'itirere, ka kino pa'a to'ou sewerage system. Ko te 'āite'anga i reira, kare pa'a e rauka iā koe i te tā'anga'anga i to'ou 'aremeangiti, kia 'akakite roa atu to'ou kōnitara e, te ponuiā'au ra no te tā'anga'anga 'aka'ōu.

Me kua kino to'ou sewerage system, i reira, ka anoano'ia koe kia tā'anga'anga i teta'i 'aremeangiti, no teta'i tuātau poto, kia ma'ani rava ia te reira.

## Teta'i arataki'anga no runga i te au 'aremeangiti no teta'i tuātau poto

Tā'anga'anga'ia teta'i aremeangiti chemical, me kore ra, portable, me e mea ta'au, me kore ra, maānī'ia teta'i, no teta'i tuātau poto.

### Ka 'akape'ea te ma'ani'anga 'aremeangiti no teta'i tuātau poto - no roto i te ngutu'are

'A'aona te 'a'aorima i te pāroru i te kino'anga, ma te āru i teia au taka'i'anga:

1. Tāmate'ia te arero vai tei muri i te cistern.
2. 'Akaātea'ia te tāpoki o te cistern, ma te kapu kia pou, te vai ki va'o i te cistern (ka rauka teia vai kia tā'anga'anga 'aka'ou'ia) Me ka tā'anga'anga koe i ta'au vai tei tāporoporo no te tuātau manamanatā tupu po'itirere, tukuna atu teta'i bleach ki roto, i mua ake ka inu ei, mei tei runga ake nei.
3. Kapu'ia kia pou te vai mei roto i te pōtera, ma te riringi atu i teia vai ki va'o.
4. Te tā'anga'anga'anga i to'ou 'aremeangiti e vai nei, me kore ra, i teta'i pakete. 'Akaō'ia teta'i pūtē una mātūtū, ki roto i te pōtera, me kore ra, pakete.
5. 'Akapāpu meitaki e, kare e puta i roto i te pūtē una, kia kore e riu
6. Tukuna te pēpā tei vetevete'ia ki ārarō i te pūtē, i te mou i te mimi.
7. Tukuna te tāpoki 'aremeangiti ki raro, me kore ra, tāpoki'ia te pakete, me kare e tā'anga'anga'ia ana.
8. Ringia teta'i 'āpa kapu bleach, ki roto i te pūtē, i te au pōpongi tātakita'i.



### Me 'āpa te pūtē:

- 'A'aona te 'a'aorima kiri.
- Tāpeka'ia a runga i te pūte, ma te 'akaātea meitaki.
- Tanu'ia te pūtē ki va'o. 'AURAKA E TANU KI ROTO I TE 'ĀUA KAI.
- No te aronga kare e rava ana te 'āua, tukuna te pūte ki roto i teta'i wheelie bin, tei 'akakoro'ia no te reira. E tau teia bin kia tāpoki'ia ki teta'i tāpoki, e kia auvaro'ia, ki teta'i auvaro una petetue, e te riu-kore, ma te vai'o ki va'o, ka meitaki atu, ki teta'i ngā'i marumarū. Tākotinga'ia te tārē'anga o te tangata i te tā'anga'anga i teia, e kia 'akairo meitaki 'ia te pūtē, "for infectious body waste only".

## Ka 'akape'ea te ma'ani'anga i teta'i longdrop toilet - ki va'o

- 'AURAKA E KERI I TE LONG DROPS KI ROTO I TE 'ĀUA KAI, ME KORE RA, KI TE PAE I TE AU MATA VAI
- Me e ngā'i tau ta'au, kerī'ia teta'i va'arua, e 'okota'i mita te 'o'onu.
- Ma'ani'ia teta'i no'o'anga mei roto i te au potopotonga rākau.
- I te au taime tātakita'i, me tā'anga'anga'ia te long drop, tāpoki'ia te repo ki te one, me kore ra, tāpoki'ia te va'arua.
- I te 'akatopa mai i te 'aunga, e te rango, pē'ia teta'i mānga ngaika, insecticide, me kore ra, vairākau tāma, ki roto i te va'arua.
- Tā'anga'anga'ia te long drop, kia tae roa te repo, mei teta'i 300mm, mei runga mai (ground level).
- 'Akakī'ia te va'arua ki te one, ma te ma'ani 'aka'ou i teta'i long drop ōu.

## Au tāmānako'anga pu'apinga no runga i te ora'anga kōpapa



'Ōrei ma te tāmārō i to'ou rima i te au taime ravarāi, i muri ake i te tā'anga'anga'anga i te 'aremeangiti, me kore ra, i te tā'anga'anga repo tangata.



Tākotinga'ia te tārē'anga tangata, te ka tā'anga'anga i te repo -'iki'ia 'okota'i o te kōpu tangata, no te 'aka'aere i te kō'i'anga, e te 'akaātea'anga i te repo.



Tāpoki'ia te au vairanga pouroa, e te au va'arua, i te 'akatopa mai i te 'aunga, e te rango.

## 'Akarongo putuputu ki ta'au rātio, no te au 'iku'iku'anga, 'akakitekite'anga, e te arataki'anga

- Newstalk ZB HB 90.3FM or 1278AM
- The Hits 89.5FM (Wairoa 99.7FM)
- The Breeze 97.5FM
- More FM on 88.7FM
- Central FM on 106FM or 105.2FM (Dannevirke)
- Wairoa 88FM
- Radio New Zealand News 630AM or 101.5FM
- RadioLive 106.3FM & 1368AM
- Radio Kahungunu 765AM & 94.5FM



### No teta'i atu 'akakitekite'anga

'Ākara'ia te [www.ourhealthhb.nz](http://www.ourhealthhb.nz) or phone 06 834 1815